

Contrariis de rogatur, etiam testatorum voluntatibus.

§.4. Non obstantibus praemissis, ac quorumcumque testatorum voluntatibus quas in, & quoad praemissa sufficienter commutamus, necnon quatenus opus sit se. re. Pauli II. & aliorum Romanorum Pontificum Praedecessorum nostrorum de rebus Ecclesiae non alienantibus, necnon in Universalibus Conciliis editis generalibus, vel specialibus Constitutionibus, & Ordinationibus, ac quibusvis etiam juramento, confirmatione Apostolica, vel quavis firmitate alias roboratis statutis, & consuetudinibus, privilegiis quoque, indultis, & Literis Apostolicis in contrarium praemissorum quomodolibet concessis, confirmatis, approbatis, & innovatis. Quibus omnibus, & singulis illorum ten. praesentibus pro plene, & sufficienter expressis, ac ad verbum insertis habentes, illis alias in suo robore permanentibus, ad praemissorum effectum, hac vice dumtaxat specialiter, & expresse derogamus, ceterisque contrariis quibuscumque.

Residuum tenore priorum operam adimpleatur.

§.5. Volumus autem, ut residuum Missarum, & aliorum operum priorum, omnino celebrentur, & adimpleantur, & suffragentur animabus eorum, qui Legata pia huiusmodi fecerunt, perinde ac si in totum adimpleta essent.

Dat. die 31. Junii 1645. Anno I.

Datum Romae apud Sanctam Mariam Majorem sub Annulo Piscatoris die 31. Junii 1645. Pont. nostri Anno I.

Ex Reg. in Secret. Brev.

XXXII. Suppressio, & extinctio Officii Graeciae Civitatis Bononien.

INNOCENTIUS PAPA X. Ad perpetuam rei memoriam.

Procurium.

Exigit a Nobis pastoralis officii debitum, ut omnium Christianissimum, praeteritum vero nostrorum, & Sedis Apostolicae etiam in temporalibus subditorum, indemnitati, quantum cum Domino possumus, consulamus, & quae eorum commodis officere dignoscuntur, e medio tollamus.

Motivum huiusmodi Consilium.

§.1. Cum itaque sicut pro parte dilectorum filiorum Regiminis Civitatis nostrae Bononien. nobis nuper exposuit fuit Officium Graeciae seu Annonae in praedicta Civitate ab immemorabili tempore, per Antianos, & Tribunos plebis ejusdem Civitatis, qui Magistratus a Summis Pontificibus Praedecessoribus nostris instituti existunt, & ex civibus nobilibus, jurisconsultis, & rerum ad dictum Officium spectantium peritis constat, exerceri solitum fuerit, successivis vero temporibus aliud ejusdem Graeciae in praedicta Civitate Officium a personis per Legatos, seu Vicelegatos dictae Civitatis pro tempore existentes

deputatis exerceri solitum, magno cum Incolarum ipsius Civitatis, ejusque territorii detrimento erectum fuerit, & licet tale Officium per Legatos, seu Vicelegatos huiusmodi institutum, seu introductum alias per Fel. rec. Greg. XIII. Paulum V., & Greg. XV. Romanos Pontifices etiam Praedecessores nostros extinctum fuerit, nihilominus per Legatos, seu Vicelegatos huiusmodi denuo institutum, & introductum existat, & a Ministro per eos vel eorum alterum deputato, non sine gravibus abusus, & praedictorum incolarum damnis exerceatur.

Supprimatur Officium Graeciae Civit. Bonon.

§.2. Hinc est quod Nos praemissis opportunum remedium adhibere, Regimeneque praedictum specialibus favoribus, & gratis prosequi volentes, & eorum singulares personas a quibusvis excommunicationis, suspensionis, & interdicti aliisque ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatae existunt, ad effectum praesentium dumtaxat consequendum, harum serie absolventes, & absolutas fore censentes, supplicationibus ejusdem regiminis nomine Nobis super hoc humiliter porrectis inclinati, Officium Graeciae huiusmodi per Legatos seu Vicelegatos dictae Civitatis contra praedictorum Praedecessorum nostrorum extinctionem, & suppressionem de novo erectum, seu introductum, illiusque nomen, essentiam, & tribunal, ac cujuscumque personae deputationem per dilectum filium nostrum, & Sedis Apostolicae in praedicta Civitate de Latere Legatum seu ejus Vicelegatum ad exercendum officium huiusmodi quomodolibet factam, Apostolica auctoritate tenore praesentium perpetuo supprimimus, extinguimus, abolemus, & respective cassamus, revocamus, & annullamus, ac eisdem modernis, & pro tempore existentibus Legato, & Vicelegato, ne de caetero tale officium suscitare, seu de novo instituire, vel quemquam ad illud exercendum deputare quovis praetextu, causa, vel occasione audeant, seu praesument, districte prohibemus, salvo remanente ejusdem Graeciae officio, ejusque administratione, & exercitio penes Antianos & Tribunos praedictos in omnibus, & per omnia, prout antequam Legati, seu Vicelegati dictae Civitatis in illo sese, ut praemittitur, ingererent, existebant.

Decretum irritans.

§.3. Decernentes praesentes literas validas firmas, & efficaces existere, & fore, suosque plenarios, & integros effectus sortiri, & obtinere, ac inviolabiliter observari; Sicque, & non aliter in praemissis per quoscumque Judices ordinarios, & delegatos, etiam causarum Palatii Apostolici Auditores, ac S. R. E. Cardinales, etiam dictae Civitatis, & alios de Latere Legatos, eorumque Vicelegatos, ceterosque quacumque auctoritate fungentes nunc, & pro tempore existentes, sublata eis, & eorum cuilibet quavis aliter judicandi, & interpretandi facultate, & auctoritate judicari,

Contrariis derogat.

ac definiti debere, ac irritum, & inane, quidquid secus super his a quoquam quavis auctoritate scienter vel ignoranter contrigerit attentari.

§.5. Non obstantibus quibusvis facultatibus Legatis, & Vicelegatis dictae Civitatis quavis auctoritate concessis, & quomodolibet competentibus, vel per illos praetensis, necnon quibusvis Constitutionibus, & Ordinationibus Apostolicis etiam quatenus opus sit nostra, & Cancellariae Apostolicae regula de non tollendo jure quaesito, ac quibuscumque etiam juramento, confirmatione Apostolica, vel quavis firmitate alias roboratis statutis, & consuetudinibus, stilis, & usibus etiam immemorabilibus, privilegiis quoque, indultis, & Literis Apostolicis in contrarium praemissorum quomodolibet concessis confirmatis, approbatis, & innovatis. Quibus omnibus, & singulis illorum tenores praesentibus pro plene, & sufficienter expressis, ac ad verbum insertis habentes, illis alias in suo robore permanentibus, ad praemissorum effectum, hac vice dumtaxat specialiter, & expresse derogamus, ceterisque contrariis quibuscumque.

Dat. die 8. Julii 1645. An.I.

Datum Romae apud Sanctam Mariam Majorem sub Annulo Piscatoris die 8. Julii 1645. Pontificatus nostri Anno I.

Ex Reg. in Secret. Brev.

XXXIII. Confirmatio Privilegiorum Rectoris, & Collegialium Collegii Nationis Germanicae Civitatis Bononien.

Dilectis filiis Rectori, & Collegialibus Collegii Nationis Germanicae Civitatis nostrae Bononien.

INNOCENTIUS PAPA X. Dilecti filii salutem, & apostolicam benedictionem.

Confirmatur privilegia quaecumque Collegii German. Civit. Bonon.

§.1. Constantis vestrae fidei, & devotionis erga Nos, & Apostolicam Sedem meritis inducimur, ut votis vestris quantum cum Domino possumus libenter annuamus, ac vos favoribus, & gratiis prosequamur opportunis; supplicationibus itaque vestro nomine Nobis humiliter porrectis inclinati, omnia, & singula privilegia vobis, & Collegio vestro per quoscumque Romanos Pontifices Praedecessores nostros concessa, & approbata quatenus sint in usu, & non sint revocata, aut sub aliquibus revocationibus comprehensa, ac Sacris Canonibus, & Concilii Tridentini Decretis contrariantur, apostolica auctoritate, tenore praesentium approbamus, & confirmamus, illisque inviolabilis apostolicae firmitatis robur adiciamus.

Archiep. Bononien. ejusq. Vicario committitur executionis.

§.2. Quocirca Ven. Fratri Archiepiscopo Bononien. seu dilecto filio ejus Vicario in spiritualibus generali per praesentes committimus, & mandamus quatenus ipse per se, vel alium, seu alios praesentes literas & in eis contenta quaecumque ubi, & quando opus fuerit, ac quoties pro parte vestra fuerit requisitus solemniter publicans, vobisque in praemissis efficacis defensionis praesidio assistens, faciat auctoritate Bull. Rom. Tom. VI. Par. III.

tate nostra vos privilegiis huiusmodi pacifice frui, & gaudere, non permittens vos desuper a quoquam quavis auctoritate, quomodolibet indebite molestari: Contradictores quoslibet, & Rebelles per sententias, censuras, & poenas Ecclesiasticas, aliaque opportuna Juris, & facti remedia appellatione postposita competendo.

Derogatio contrariorum

§.3. Non obstantibus Constitutionibus, & Ordinationibus Apostolicis, ac Civitatis, & Ducatus Bononien. etiam juramento confirmatione Apostolica, vel quavis firmitate alias roboratis statutis, & consuetudinibus, legibus, usibus, stylis, privilegiis quoque, Indultis, & Literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis illorum tenores praesentibus pro plene, & sufficienter expressis, ac de verbo ad verbum insertis habentes, illis alias in suo robore permanentibus ad praemissorum effectum hac vice dumtaxat specialiter, & expresse derogamus, ceterisque contrariis quibuscumque.

Datum Romae apud Sanctam Mariam Majorem sub Annulo Piscatoris die 24. Julii 1645. Pont. nostri Anno I.

Dat. die 24. Julii 1645. An.I.

XXXIV. Subsidium 100. mil. scutorum auri super fructibus Ecclesiasticis Reipublicae Venetae.

Ex Reg. in Secret. Brev.

INNOCENTIUS PAPA X. Ad futuram rei memoriam.

§.1. Tui pro cura nostri pastoralis officii Divina disponente providentia Nobis meritis licet imparibus juncti nihil magis cordi sit, quam Personas Ecclesiasticas ab extraordinariis oneribus immunes semper conservare, idque nisi summa necessitas cogat, re ipsa praestare animo nostro statuerimus, nihilominus sicut jam omnibus notum esse debet, cum Turcarum Tyrannus nuper nefarium bellum ingenti apparatu, maximisque viribus tam Terra, quam Mari Dilectis Filiis nobilibus viris Duci, & Dominio Venetiarum intulerit, ut Insulam Cretae, aliaque Ditionis Venetae loca expugnet, atque occupet, & propterea ipsi Dux, & Dominum majores, quam unquam antea tam maritimas, quam terrestres copias, ut se, suaeque tueantur, parare, & instruere, ac proinde ingentes impensas facere modo compellantur.

Motiva.

§.2. Nos considerantes non minus Clericorum, quam Laicorum interesse, ut ea, quae ad defensionem huiusmodi necessaria sunt, studiosissime comparentur quo Christiani nomine hostes infensissimi a Christianissimum cervicibus, adjuvante Domino, repellantur, cogimur, de universi Cleri Domini Veneti facultatibus in hoc gravissimo, periculosissimoque casu fiduciam sumere, sperantes, quod illi hoc onus urgentissima necessitate, & justissima de causa a Nobis sibi impositum aequo animo ferre non recusabunt; motu itaque proprio, & ex certa scientia, & mature

Subsidium imponitur de fructibus Ecclesiasticis.

Exemptio
solvendo sub-
sidio.

ra deliberatione nostris, deque apostolica potestatis plenitudine, unum subsidium centum millium scutorum auri super omnibus, & singulis fructibus, redditibus, & proventibus secundum verum annum valorem presentis anni quarumcumque Cathedralium, etiam Metropolitanarum, & Patriarchalium, atque aliarum Ecclesiarum, ac Monasteriorum, Prioratum, & Beneficiorum Ecclesiasticorum secularium quorumcumque, ac Hospitalium, & quorumvis Ordinum, & Militiarum, non tamen S. Joannis Hierosolymitani, quorum Fratres pro munienda, & defendenda adversus improbos eorundem Turcarum conatus Insula Melevitana, gravissimos sumptus subire, & magnum as alienum contrahere oportuit, regularium cum cura, & sine cura in dicto Dominio existentium a Ven. Fratribus Patriarchis, Archiepiscopis, Episcopis, & dilectis filiis electis, Administratoribus, Commendatariis, Abbatibus, Prioribus, Præpositis, Prælatibus, Capitulis, Conventibus, cæterisque personis Ecclesiasticis secularibus, & Regularibus quibuscumque tam non exemptis, quam quomodolibet exemptis, & quantumvis privilegiatis etiam S. R. E. Cardinalibus, necnon Sancti Benedicti, Sancti Augustini, Cisterciensium, Cluniacensium, Premonstratensium, Carthusiensium, Camaldulensium, Montis Oliveti, Vallis Umbrosæ, Cruciferorum, Monachorum, Heremitarum Sancti Hieronymi, & quorumcumque aliorum Ordinum, necnon Cassinensium, aliarumque Congregationum tam virorum, quam mulierum etiam mendicantium, ex privilegio, & aliis bona immobilia, seu certos redditus quoquo modo ecclesiasticos habentium in Dominio prædicto, Ecclesias, Monasteria, & alia Beneficia Ecclesiastica obtinent, & fructus Ecclesiarum, Monasteriorum, & Beneficiorum hujusmodi, necnon pensiones annuas quantumcumque exemptas, & sub quibusvis obligationibus etiam in forma Camere Apostolicæ etiam Juramento, & cum susceptione censurarum, & de non contraveniendo, ac fortasse etiam de non impetrando gratias nostras contra eos, & concessis non utendo, vallatis, & forsitan aliis etiam efficacioribus cautelis, & decretis, ac clausulis super eisdem fructibus, & pensionibus etiam medio Cederalium, Banchi, seu in forma Depositi habentibus, & intra presentem annum habituris cujuscumque præemiuentiæ, status, gradus, conditionis, & Ordinis, & Religionis, vel Militiæ existant, quibus, aut quorum aliquibus ulla privilegia, exemptiones, aut Indulta sub quacumque verborum forma, & expressione concessa quoad hoc nullatenus suffragari posse volumus fratribus, ac personis dicti Hospitalis Hierosolymitani in totum, & omnino; Cæteris vero Hospitalibus hospitalitatem actu servantibus pro ea quantitate tantum, quam in servan-

da ipsa Hospitalitate exponunt, dumtaxat exceptis, & dummodo a personis Ordinum Mendicantium non nisi medietas ejus partis, quæ ratione subsidii hujusmodi ab eis solvenda esset, solum exigatur proportionabiliter, & æqualiter juxta verum valorem prædictum inter prædictas Personas Ecclesiasticas secundum æqualem, & discretam partitionem, quam ad Nos quam primum transmitti mandamus per Ven. Fratres Angelum Episcopum Ariminensem Nuncium nostrum, ac Joannem Patriarcham Venetiarum distribuen. ac in Locis, & terminis, modisque, & formis per ipsos Angelum Episcopum, & Nuncium, ac Patriarcham, quos Collectores generales subsidii hujusmodi harum serie constituimus, & deputamus, statuendis, ordinandis, & declarandis omnino de presenti anno perfolven. ac per eos, & eorum Subcollectores, qui sint Persona Ecclesiastica, ad hoc ab ipsis deputandos percipiendum, exigendum, & levandum, ac Ducis, & Dominio prædictis cum effectu consignandum, ut illud in expensas necessarias contra dictos Turcas, & non alios usus expendere valeant, auctoritate apostolica tenore presentium imponimus, impositamque fore, & esse decernimus, & declaramus, necnon eisdem Collectoribus Generalibus, & ab eis deputandis Subcollectoribus hujusmodi Patriarchis, Archiepiscopis, Episcopis, Electis, Administratoribus, Abbatibus, Commendatariis, Prioribus, Præceptoribus, Præpositis, Prælatibus, Capitulis, Conventibus, & aliis Personis Ecclesiasticis prædictis præterquam, ut supra, exceptis, ratam dicti subsidii eos, & eorum quemlibet, ut præfertur, tangentem petendi, exigendi, & colligendi, eisque, & eorum singulis, ut illam modo præmissis solvant, per poenas quoad Patriarchas, Archiepiscopos, & Episcopos interdicti, & suspensionis ingressus Ecclesiæ, quoad alios vero, privationis Beneficiorum Ecclesiasticorum per eos quomodolibet obtentorum, & alias, de quibus illis videbitur, etiam pecuniarias, ac demum per sententiam excommunicationis, aliasque censuras Ecclesiasticas, cæteraque opportuna juris, & facti remedia mandandi, & percipiendi; Contradiutores quoslibet, & rebelles, & tuam subsidii partem solve-re recusantes, seu differentes, & ne illa solvatur persuadentes, directe, vel indirecte per poenas, censuras, & remedia hujusmodi appellatione postposita compescendi, brachii quoque secularis auxilium, si opus fuerit, ad hoc invocandi, solventes de solutis quietandi, & liberandi, a censuris, & poenis, quas præmissorum occasione quomodolibet incurrerint absolvendi, & generaliter omnia, & singula in præmissis, & circa ea necessaria, seu quomodolibet opportuna, etiam mandatum exigent magis speciale, quam presentibus sit expressum faciendi, gerendi, ordinandi, mandandi, & exequendi plenam, & liberam

Ratum non
solventib. pe-
na assignatur

Expense pro
exactione sub-
sidii non sunt
computande
in ipso sub-
sidio.

Contrariis de
rogatur.

Sequitur de-
rogatio.

Occasione sub-
sidii non di-
strahantur or-
namenta Ec-
clesiarum.

ram auctoritate apostolica, & tenore prædictis facultatem concedimus, & potestatem.

§.3. Volentes, quod expense, quæ circa exactionem subsidii hujusmodi forsan faciendæ fuerint, in centum millibus scutis prædictis minime computari debeant, sed dictæ Personæ Ecclesiasticæ expensas ipsas ultra ratam partem, quam ratione ejusdem subsidii solvere debent, etiam perfolvere teneantur.

§.4. Non obstantibus quibusvis Constitutionibus, & Ordinationibus Apostolicis, etiam in Conciliis Universalibus editis, nec non Ecclesiarum, Monasteriorum, Prioratum, Ordinum, Congregationum, & Militiarum hujusmodi etiam juramento, confirmatione Apostolica, vel quavis firmitate alia roboratis statutis, & consuetudinibus, stabilimentis, usibus, & naturis, privilegiis quoque, indultis, exemptionibus, & immunitatibus etiam in corpore juris clausis, ac Literis Apostolicis, Ecclesiis, Monasteriis, Prioratibus, Præceptoribus, Prælatibus, Capitulis, Conventibus, Ordinibus, Congregationibus, & Militiis aliisque prædictis in genere, vel in specie sub quacumque forma, & verborum expressione etiam a Nobis, & Sede Apostolica etiam consistorialiter, & motu simili, & aliis quovis modo emanatis, & concessis, & etiam iteratis vicibus confirmatis, approbatis, & innovatis. Quibus omnibus & singulis etiam si de illis, eorumque totis tenoribus specialis, specifica, expressa, & individua, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, & in eis caveatur expresse, quod per hujusmodi clausulas generales eis nullatenus derogetur, nec derogatum esse censeatur, nisi sub certis modo, & forma in eis expressis, tenores hujusmodi, ac si de verbo ad verbum insererentur presentibus pro sufficienter expressis, & insertis, ac modum, & formam ad id servandos pro individuo servatis habentes, ad præmissorum effectum dumtaxat, illis aliis in suo robore permanentibus specialiter, & expresse derogamus, cæterisque contrariis quibuscumque.

§.5. Aut si Patriarchis Archiepiscopis Episcopis, Electis, Administratoribus, Abbatibus, Commendatariis, cæterisque prædictis, vel quibusvis aliis communiter vel divisim ab Apostolica sit Sede Indultum, quod interdicti, suspendi, vel excommunicari non possint per literas Apostolicas non facientes plenam, & expressam, ac de verbo ad verbum de Indulto hujusmodi mentionem.

§.6. Volumus autem, quod juxta ordinationem in Concilio Viennen. super hoc editam, calices, libri, & alia ornamenta Ecclesiarum, Monasteriorum, Prioratum, & aliorum Beneficiorum, & Piorum Locorum sub presentibus comprehensorum divino cultui dedicata causa pi-

gnoris, vel aliis occasione solutionis subsidii hujusmodi nullatenus capiantur, distrahantur, vel occupentur. Quodque presentium Literarum transumptis, etiam impressis, manu alicujus Notarii publici subscriptis, & sigillo alicujus ex dictis Collectoribus generalibus, vel alterius Prælati Ecclesiastici munitis, eadem prorsus fides in judicio, & extra adhibeatur, quæ presentibus adhiberetur, si forent exhibitæ, vel ostensæ.

Datum Romæ apud S. Mariam Majoris sub Annulo Piscatoris die 3. Augusti 1645. Pont. nostri Anno 1.

Datum die:
Augusti. 1645.
An. I.

XXXV.

Commissio Inquisitori Melevitan. ut det licentiam Magno Magistro Hospitalis S. Joannis Hierosolymitani imponendi Gabellam 100. mil. scutorum auri super Comestibilibus, & aliis rebus pro manutendendis munimentis ipsius Insulæ.

Ex Reg. in
Secret. Brev.

Dilecto Filio Magistro Joanni Baptista Gario Pannellino in utraque Signatura nostra Referendario in Insula Melevitana adversus hæreticam pravitatem Inquisitori a Sede Apostolica deputato.

INNOCENTIUS PAPA X.
Dilecte fili noster salutem, & Apostolicam benedictionem.

Occasio Con-
stitutionis.

§.1. Nuper pro parte dilecti filii Magni Magistri Hospitalis S. Joannis Hierosolymitani Nobis expositum fuit, quod cum Insula Melevitana sit firmissimum Reipublicæ Christianæ, præsertim totius Italiæ adversus Infidelium irruptiones propugnaculum a personis in arte muniendi peritis pro securitate istorum Populorum, ac defensione Oppidorum Valleræ, Victoriolæ, & Sengleæ, a quorum singulo, eorumque manutentione, eorum tutio dependet, nedum conveniens, sed etiam necessarium existimatur munimenta Floriana nuncupata, quæ a fronte dicti Oppidi Valleræ existunt perficere, ut hostis procul ab illo arceatur, ac inceptas Fortificationes, seu munimenta ad Collem S. Margaritæ, qui Oppidis Victoriolæ, & Sengleæ, ac Portui toti imminet, ita ut nulla navis in eo secure degere possit, producere, ac in promontorio de Urvis nuncupato in faucibus dicti Portus existente, ut ingressus succursibus ab extra tuto pateat, propugnaculum extruere, ne Hostis in eodem Colle se muniens prout facile posset, ingressum hujusmodi impediat.

Aliud moti-
vum.

§.2. Cum autem, sicut eadem expositio subungebat, præmissa pro defensione prædictorum Oppidorum summe necessaria existant, Hospitalis vero prædicti facultates exhaustæ, illudque ære alieno gravatum existant ob suorum reddituum Ordinariorum imminutionem occasione bellorum inter Principes Christianos vertentium, ac ob expensas tam ordinarias, quam factas in extruendis novis munimentis, & in providenda dicta Insula rebus ad bellum necessariis, victualibusque, & militibus contra Turcas, qui classe potentissima

fima Insulae praedictae obfidionem minabantur, ideoque dictus Magnus Magister opera praedicta executioni demandare non possit, cum ad illa centum, & quinquaginta scutorum millia sint necessaria. ita ut aliunde oportuno ad id auxilio indigeat, cum licet duplicata onera super Prioratum, ac Bajulivatum, & Praeceptoriarum, seu Commendarum dicti Hospitalis fructibus imposita fuerint, nihilominus idem Hospitalis ita gravatum existat, ut etiam in futurum sustinendis continuus, & ordinariis expensis inhabile sit redditum.

§.3. Nobis propterea dictus Magnus Magister humiliter supplicari fecit, ut de aliquo opportuna subventionis auxilio in praemissis providere de benignitate apostolica dignaremur.

Facultas imponendi Gabellam super comestibilibus ad triennium.

§.4. Nos igitur provide considerantes quantum universae Reipublicae Christianae interfit, Insulam praedictam adversus Turcarum impetus probe munitam reddi, dictumque Magnum Magistrum specialibus favoribus, & gratis profectui volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatus existit, ad effectum praesentium dumtaxat consequendum harum serie absolventes, & absolutum fore censentes, hujusmodi supplicationibus inclinati, ac salvis, & in suo robore remanentibus quibusvis aliis impositionibus, super quibusvis rebus in eadem Insula hactenus impositis tibi facultatem concedendi praedicto Magno Magistro licentiam imponendi super tritico, granis, leguminibus, fructibus, vino, carne, piscibus, oleo, olivis, & aliis quibuscumque rebus comestibilibus, & aliis rebus, quae pro usu humano consumuntur, tam collectis, & colligendis in praedicta Insula emendis tamen, & vendendis, quam in eadem Insula ingressuris, seu ex ea extrahendis, unam Gabellam arbitrio tuo pro summa tamen 100. mil. scutorum auri in totum dumtaxat, & ad triennium dumtaxat duraturam, & quatenus tantundem sit necessarium in praedicta munitionum opera, & non in alios usus integre convertendi super quo conscientiam, tam Magno Magistri, & aliorum, quam tuam oneramus, illamque a quibusvis Personis Laicis, & Ecclesiasticis, seu secularibus, ac dicti Hospitalis, & cujusvis alterius Ordinis, Congregationis, Societatis etiam Jesu, & Instituti etiam Mendicantium utriusque sexus Regularibus, Hospitaliumque, & aliorum Locorum Piorum Personis, etiam quocumque Immunitatis, & exemptionis, vel alio quovis privilegio sufful-tis, etiam si de illis specialis, specifica, individua, ac de verbo ad verbum expressa mentio facienda esset exigendi, seu exigi faciendi auctoritate, & tenore praedictis concedimus, & impertimur.

Nullus eximietur a solutione Gabellae.

§.5. Decernentes omnes, & quascumque Personas praedictas ad Gabellae vigore

praesentium imponenda solutionem omnino teneri, easque ad id opportunis Juris, & facti remediis summarie, omni appellatione, reclamatione, & recursum remotis, cogi, & compelli posse. Praesentes vero Literas de obreptionis, vel subreptionis, aut nullitatis vitio, vel nostrae, aut Sedis Apostolicae intentionis seu quocumque alio defectu notari, redargui, impugnari, in jus, controversiam revocari, aut adversus illas quodcumque juris, facti, vel gratiae remedium impetrari minime posse; sicque ab omnibus censerent, & per quoscumque Judices ordinarios, & delegatos etiam causarum Palatii Apostolici Auditores, ac quocumque dicti Hospitalis Tribunalia, necnon S.R.E. Cardinales etiam de latere Legatos, dista qua Sedis Nuncios, & quovis alios quocumque auctoritate fungentes sublata eis, & eorum cuilibet quavis aliter iudicandi, & interpretandi facultate, & auctoritate, iudicari, & definiti debere, irritumque, & inane, quidquid secus super his a quoquam quavis auctoritate scienter, vel ignoranter contigerit attentari.

Decretum irritans.

§.6. Non obstantibus praedictis nostris Literis, & quibusvis Apostolicis, & in Conciliis Universalibus, Provincialibusque, & Synodalibus editis generalibus, vel specialibus Constitutionibus, & Ordinationibus, necnon quarumvis Ecclesiarum, Monasteriorum, Ordinum, Congregationum, Institutum, & Locorum Piorum, ac Insularum praedictarum etiam juramento, confirmatione Apostolica vel quavis firmitate alia roboratis statutis, & consuetudinibus, privilegiis quoque, indultis, exemptionibus, libertatibus, & Literis Apostolicis quibusvis Ecclesiis, Monasteriis, Ordinibus, Congregationibus, & Institutis, Locisque piis, & Insulis praedictis, & personis quibuslibet sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, irritantibusque, & aliis Decretis in genere, vel in specie, aut aliis in contrarium praemissorum quomodolibet concessis, confirmatis, & innovatis. Quibus omnibus, & singulis etiam si pro illorum sufficienti derogatione de illis, eorumque totis tenoribus, specialibus, specifica, expressa, & individua, ac de verbo ad verbum, non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum nihil penitus omisso, & forma in illis tradita observata inserti forent praesentibus, pro plene, & sufficienter expressis, & insertis habentes, illis aliis in suo robore permansuris ad praemissorum effectum, hac vice dumtaxat specialiter, & expresse derogamus, ceterisque contrariis quibuscumque.

Derogatio contrarium.

Datum Romae apud S. M. Majorem sub Annulo Piscatoris, die 14. Augusti 1645. Pontificatus nostri Anno I.

Dat. die 14. Augusti 1645. An.I.

Con-

XXXVI.

Confirmat Statuta Monasteriorum Congregationis Beatae Mariae Virginis sub Regula Sancti Augustini in Tullensi, & aliis Dioecesis sitorum.

Plures Summi Pontifices confirmarunt Statuta Monasterium pro bono regimine earumdem, ut copiose habes in Repertorio, verb. Statuta.

INNOCENTIUS PAPA X.
Ad futuram rei memoriam.

Mostrum Constitutionis.

Exponi Nobis nuper fecerunt dilecte in Christo filiae Matres, seu Priorissae, & Moniales Monasteriorum Congregationis Beatae Mariae Virginis, sub Regula Sancti Augustini in Tullensi, & aliis Dioecesis sitorum, quod ipsae Statuta pro felici dictae Congregationis directione, atque gubernio a quondam Petro Fourier illius Instituti nuper condita, quo firmiora persistant, & exactius ab omnibus observentur, Apostolicae nostrae confirmationis patrocinio communiti summopere desiderant.

Confirmat Statuta Monasterium Congr. B. M. V.

§.1. Nos igitur easdem exponentes specialibus favoribus, & gratis profectui volentes, & earum singulares personas a quibusvis excommunicationis, suspensionis, & interdicti, aliisque Ecclesiasticis Sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatae existunt, ad effectum praesentium dumtaxat consequendum, harum serie absolventes, & absolutas fore censentes, supplicationibus illarum nomine Nobis super hoc humiliter porrectis inclinati; Statuta praedicta, dummodo tamen in usu, ac licita sint, & honesta, & non sint revocata, nec sub aliquibus revocationibus comprehensa, sacrisque Canonibus, & Concilii Tridentini decretis, ac Constitutionibus Apostolicis, regularibusque dicti Ordinis Instituti non adversentur, Apostolica auctoritate tenore praesentium, sine tamen alicujus praedictio approbamus, & confirmamus, illisque inviolabilis Apostolicae firmitatis robur adjicimus, ac omnes, & singulos, tam juris, quam facti defectus, si qui desuper quomodolibet intervenerint, supplementum.

Irretracta deelaratur contrarius quilibet attentatis.

§.2. Decernentes illa, necnon praesentes literas semper, & perpetuo valida, firma, & efficacia existere, & fore, suoque plenarios, & integros effectus sortiri, & obtinere, ac ab omnibus, & singulis, ad quos spectat, & in futurum quomodolibet spectabit, inviolabiliter observari, sicque per quoscumque Judices Ordinarios, & Delegatos, etiam causarum Palatii Apostolici Auditores, iudicari, & definiti debere, irritumque, & inane, si secus super his a quoquam, quavis auctoritate, scienter, vel ignoranter contigerit attentari.

Contrariis derogatur.

§.3. Non obstantibus Constitutionibus, & Ordinationibus Apostolicis, ac Congregationibus, & Ordinibus praedictorum etiam juramento, Confirmatione Apostolica, vel

quavis firmitate alia roboratis statutis, & consuetudinibus, ceterisque contrariis quibuscumque.

§.4. Volumus autem, quod praesentium transumptis, etiam impressis, manu alicujus Notarii publici subscriptis, & sigillo Personae in dignitate Ecclesiastica constitutae, munitis eadem prorsus fides adhibeatur, quae praesentibus adhiberetur, si forent exhibitae, vel ostensa.

Vi hujus Constitutionis cōstitutur.

Datum Romae apud S. Mariam Majorum, sub Annulo Piscatoris, die 28. Augusti 1645. Pont. nostri Anno I.

Dat. die 28. Aug. 1645. Anno I.

XXXVII.

Confirmatio, seu innovatio Brevis Urbani VIII. pro locis Terrae Sanctae, quoad eleemosynas quaerendas.

Pro hujusmodi locis Terrae Sanctae, lege Constituit. Urbani VIII. Salvatoris. Tom. VI. Par. I.

INNOCENTIUS PAPA X.
Ad futuram rei memoriam.

Salvatoris, & Domini nostri, qui pro humani generis redemptione se ipsum exinanivit factus obediens usque ad mortem, vices licet immeriti gerentes in terris, inter multiplices, gravissimasque Apostolicae servitutis curas, in eam precipue pastoralis sollicitudinis vigilantia incubimus, ut tanti, & tam salubris mysterii monumenta, quae in Civitate Hierusalem, & locis circumvicinis sunt, conserventur, & omni, qua fieri poterit, majori honorificentia recolantur.

Praemium.

§.1. Cum itaque fel. record. Urbanus Papa VIII. Praedecessor noster, sibi aliis exposito, quod Ecclesiae, & alia Loca Pia in Civitate Hierusalem, & aliis locis Terrae Sanctae existentia fere diruta erant, & quae adhuc ibi existebant Monasteria, & aere alieno ob impiam Turcarum, Haereticorum, & Schismaticorum tyrannidem, & pro Sanctae Fidei Catholicae in eisdem locis conservatione contracto, ad modum gravata reperiebantur; idem Urbanus Praedecessor Patriarchis, Archiepiscopis, Episcopis, & aliis locorum Ordinariis, necnon omnibus, & singulis quorumvis Ordinum, Congregationum, & Institutum Regularium Generalibus commisit, & mandavit, ut ad minus duabus vicibus quolibet anno, Adventus, & Quadragesimae temporibus, tam per Verbi Dei Praedicatorum in suis Sacris Concionibus, quam in actionibus, & functionibus publicis necessitates eorumdem sacrorum monumentorum Populo proponi, & commendari curarent, & facerent, & alias prout in ejusdem Urbani Praedecessoris Literis in simili forma Brevis die 3. Febr. anni 1634. desuper expeditis, quarum tenores praesentibus pro expressis haberi volumus, uberius continetur.

Exponitur motivum constitutionis.

§.2. Cum autem, sicut Nobis nuper pro parte dilectorum filiorum Andreae de Arco ejusdem Terrae Sanctae pro Italia, & aliis locis Europae Subsuperiore Cismontanae Familiae, ac Bernardi de Castiglionis pro Hispaniae

Confirmatur Breve Urbani VIII. quoad Eleemosynas, quaerendas pro Terra Sancta.

Hispanica Commissariorum Ordinis Fratrum Minorum S. Francisci de Observantia nuncupatorum professorum expositum fuit, ipsi quo præfata Urbani Prædecessoris Literæ exactius observentur, illas per Nos confirmari, & innovari desiderant; Nos eorumdem sacrorum monumentorum conservacioni, & mantentioni consulere volentes, de Venerabilium Fratrum nostrorum Sanctæ Romanæ Ecclesiæ Cardinalium negotio Propagandæ fidei Præpositorum consilio, prædictas Urbani Prædecessoris hujusmodi Literas Apostolica auctoritate tenore præsentium confirmamus, & approbamus, illasque innovamus, & observari mandamus, salva semper auctoritate Congregationis dictorum Cardinalium.

Sine præjudicio tamen auctoritatis de Propag. Fide.

Consultare executioni, hujus brevis.

Dat. die 19. Sept. 1645. Anno I.

§.3. Volumus autem, ut Patriarchæ, Archiepiscopi, et Episcopi prædicti in relatione status suarum Ecclesiarum, quando visitabunt limina Apostolorum facienda, referant, se prædictis Urbani Prædecessoris et præsentibus nostris literis paruisse, contrariis non obstantibus quibuscumque.

§.4. Volumus insuper, quod earumdem præsentium transumptis, etiam impressis, manu alicujus Notarii publici subscriptis, & sigillo personæ in dignitate Ecclesiastica constitutæ munitis eadem prorsus fide adhibeatur, quæ ipsis præsentibus adhibetur, si forent exhibita, vel ostensa.

Datum Romæ apud S. Mariam Majorem, sub Annulo Piscatoris, die 19. Septembris 1645. Pontificatus nostri Anno I.

XXXVIII.

Deputatio Eminentiss. & Reverend. Domini Card. Odescalchi in Protectorem Fratrum Ord. S. Hieronymi Congregationis Fesulan.

Quis fuerit promotor hujus Congregationis, & quinam Summi Pontifices eorum regularem vitam approbaverint, habes ex Gregor. XII. Constit. IV. Sacrum nonnullorum, Tom. III. Par. II. fol. 410. & alibi, quod indicatur tibi in rerum Repertorio. Dilecto filio nostro Benedicto S.R.E. Diacono Cardinali Odescalcho nuncupato.

INNOCENTIUS PAPA X.
Dilecte fili noster salutem, & Apostolicam benedictionem.

Exortium.

§.1. CUM per obitum bo. mc. Alexandri S.R.E. Card. Casarini nuncupati Fratrum Ordinis S. Hieronymi Congregationis Fesulan. dum viveret apud Sedem Apostolicam Protectoris, Congregatio prædicta Protectore destituta remanserit, Nos idem Congregationi de idoneo Protectore providere volentes, ac de tuæ circumspicionis singulari prudentia, doctrina, integritate, & Religionis zelo plurimum in Domino confisi, motu proprio, ac ex certa scientia, & matura deliberatione nostris, Te, ex cuius pretectione ob tuas eximias virtutes Congregationem hujusmodi plurimum commodi, & ornamenti suscepturam esse confidimus, prædictæ Congregationis, illiusque Monasteriorum, &

Fratrum quorumcumque; apud Nos, & Sedem Apost. Protectorem cum omnibus honoribus, & oneribus solitis, & consuetis ad tuam vitam auctoritate Apost. tenore præsentium facimus, & deputamus.

§.2. Volumus autem, ut Congregationem prædictam foveas, & protegas, ac tibi in virtute sanctæ obedientiæ mandamus, ut Superiorum dictæ Congregationis auctoritatem, quantum fieri poterit conservare cures, ac propterea ipsis Superioribus regimen, & gubernium subditorum penitus relinquant, nec in negotiis eorumdem Fratrum te immisceas, nisi ab ipsis Superioribus requisitus fueris, ut in istdem negotiis auctoritatem tuam interponas, & tunc si omnino necessarium fore cognoveris, ut eandem auctoritatem tuam in istdem negotiis exerceas, tunc id facere possis, sed quoad potueris per te ipsum hoc facere cures, adhibito ad scribendum, quando opus fuerit in istdem negotiis, seu causis loco Notarii aliquo ex Fratribus dictæ Congregationis.

Injungit præfatio Cardinali Protectionem de qua in rubrica.

Mandat Superioribus prædictæ Congr. ut Protectionem recipiant

§.3. Mandantes propterea dilectis filiis Generali, & aliis Superioribus, necnon universis Fratribus, & personis quibuscumque dictæ Congregationis in virtute sanctæ obedientiæ, ut te in eorum Protectorem juxta tenorem præsentium recipientes, ea, qua debent reverentia prosequantur, contrariis non obstant. quibuscumque. Ceterum te in Domino hortamur, ut hujusmodi Protectoris munus ita obire studeas, ut apud Deum bonorum operum retributionem æternam premium, a Nobis condignam laudem, valeas promereri.

Datum Romæ apud S. Mariam Majorem sub Annulo Piscatoris die 20. Septembris 1645. Pont. nostri Anno I.

Dat. die 20. Sept. 1645. Anno I.

XXXIX.

Confirmat nonnullos articulos Constitutionibus reformationis Ordinis S. Mariæ de Monte Carmelo inferendos.

INNOCENTIUS PAPA X.

Ad perpetuam rei memoriam.

UNIVERSALIS Ecclesiæ Regimini, per ineffabilem Divinæ Sapientiæ abundantiam meritis licet insufficientibus præpositi, inter multiplices Pastoralis Officii curas, illam peculiari sollicitudine libenter amplectimur, quam Regularis disciplina in quibusvis Religiosorum virorum Ordinibus, in eadem Ecclesia pie instituta facta tecta conservetur, & ubi aliquatenus ab antiquo vigore deflexa ut ad pristinam laudatamque vivendi rationem reducat, ac que propterea provide statuta fuerunt, ut perpetuo firma subsistant, & inviolabiliter observentur, Apostolicæ confirmationis robore communimus, prout conspicimus in Domino salubriter expedire.

§.1. Sane pro parte dilecti filii Leonis Bonifilii Prioris Generalis Fratrum Ordinis Beatæ Mariæ de Monte Carmelo, Nobis nuper expositum fuit, quod, cum nonnullis ab hinc annis, in dicto Ordine reformatio, & exacta, strictiorque vitæ communis

Ex Regest. in Secret. Brev.

Prodnium.

tius dicti Capituli generalis zelum pro Regularis Disciplinæ Observantia plurimum in Domino commendantes, ac dictum Leonem Priorem Generalem specialibus favoribus, & gratis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a Jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequen. harum serie absolventes, & absolutum fore censentes supplicationibus tam sui, quam totius Capituli generalis nomine super hac Nobis humiliter porrectis inclinati præinsertos articulos Constitutionibus præfatis, ut præmittitur, inferendos, ad effectum, ut suis locis accurate, & fideliter inserti, una cum præfatis Constitutionibus imprimi possint Apostolica auctoritate, tenore præsentium perpetuo confirmamus, & approbamus, illisque perpetuæ, & inviolabilis Apostolicæ firmitatis robur adiciamus, ac omnes, & quoscumque tam juris, quam facti defectus, si qui in illis quomodolibet intervenerint, supplementis, necnon ab omnibus, & singulis Fratribus, qui dictum Ordinem in Conventibus reformatis professi sunt, ac illum perpetuis futuris temporibus profitebuntur nunc, & pro tempore existentibus, præfatas Constitutiones, cum articulis per præfatos approbatis, & in iis Constitutionibus inferendis, perpetuo, inviolabiliter, exacte, & inconcussè sub poenis in illis comminatis observari, ipsosque secundum illas, & ac præscriptum earum vivere debere, nec ab eis recedere, ad idque opportunis juris, & facti remediis cogi, & compelli posse. Ipsosque ab omnibus aliis statutis, seu Constitutionibus præfati Ordinis, etiam Apostolica auctoritate confirmatis, ac etiam cum juramento acceptatis, & præsertim ab eodem Urbano Prædecessore nostro per alias suas in simili forma Brevis Literas die 18. Januarii Anni millesimi sexcentissimi trigésimi sexti, expeditas confirmatis, illarumque observantia perpetuo exemptos, & Liberos esse, & fore decernimus, & declaramus: iisque ad hunc effectum juramentum de illis observandis per ipsos præstitum relaxamus.

§.2. Cum autem, sicut eadem expositio subiungebat præfatus Prior Generalis juxta Decretum dicti Capituli Generalis præinsertis Articulis pro illorum firmiori subsistentia, & inviolabili observantia Apostolici muniminis firmitatem per Nos adici summopere desideret.

§.3. Nos, qui articulos præfatis Constitutionibus, ut præmittitur, inferendos, per Venerabilem Fratrem Hieronymum Archiepiscopum Patracensem, ac dilectos filios Magistros Marcum Aurelium Maraldum Brevirum nostrorum Secretarium, & Prælatum nostrum Domesticum, necnon Prosperum Fagnanum, & Franciscum Cherubinum Auditorem, & itidem Prælatum nostrum Domesticum in utraque signatura nostra referendarios; Auditibus pluribus nonnullis Fratribus Provinciarum Turoniæ, & Aquitanie præfatarum, ac Narbonæ dicti Ordinis, qui se opposuerunt, diligenter examinari iussimus; pium tamen Bull. Rom. Tom. VI. Par. III.

Decreti series exponitur.

Enumerat Priores, qui dicti Ordinis Constitution. in unum volumen redigant.

Hic sequuntur præfati Articuli in Constitutionibus Reformat. Antuerpia editis videndi fol. 287.

Prioris defectuum.

Motiva & rationes.

§.4. Decernentes præfatas Literas semper, & perpetuo validas, firmas, & efficaces existere, & fore, suosque plenarios, & integros effectus sortiri, & obtinere; Sicque, & non aliter in præmissis omnibus, & singulis per quoscumque Judices Ordinarios, & Delegatos, etiam causarum Palatii Apostolici Auditores, ac Sanctæ Romanæ Ecclesiæ Cardinales etiam de Latere Legatos, sublata eis, & eorum cuilibet quavis aliter iudicandi, & interpretandi facultate, & auctoritate iudicari, & definiti debere, ac irritum, & inane si quid secus super his a quoquam quavis auctoritate scienter, vel ignoranter contigerit attentari.

Quod Articuli in Constitutionibus imprimi possint, concedit.

Decreti validitas & robur.

Decretum irritans.

G

Non

De oratio
coa. ratio. um

§.5. Non obstantibus Constitutionibus, & Ordinationibus Apostolicis, & quibuscumque aliis dicti Ordinis, etiam juramento, confirmatione Apostolica, vel alia quavis firmitate roboratis statutis, & consuetudinibus, privilegiis quoque, indultis & Literis Apostolicis eidem Ordini, ac illius Superioribus, & personis, & quibuslibet aliis in contrarium præmissorum quomodolibet concessis, approbatis, & innovatis. Quibus omnibus, & singulis etiam si pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum non autem per clausulas generales idem importantes, mentio, seu quavis alia expressio habenda, aut aliqua alia exquisita forma ad hoc servanda foret, illorum omnium, & singulorum tenores præsentibus pro plene, & sufficienti expressis habentes, illis aliis in suo robore permansuris, ad effectum præmissorum specialiter, et expresse derogamus, cæterisque contrariis quibuscumque.

Dat. die 20.
Sept. 1645.
Anno I.

Datum Romæ apud Sanctam Mariam Majorem sub Annulo Piscatoris, die vigesima Septembris millesimo sexcentesimo quadragesimo quinto Pontificatus nostri Anno I.

XLI.

Quod Commissarii Terræ Sanctæ tenere possint unam clavem Arcæ elemosynarum, & alia maneat penes Syndicum, pro tutiori custodia earundem.

Quoad elemosynas querendas pro locis Terræ Sanctæ, lege Const. 444. Salvatoris Urbani Octavi Tom. VI. Par. I. fol. 370.

INNOCENTIUS PAPA X.
Ad futuram rei memoriam.

Procurium.

CUM sicut dilecti filii Commissarii locorum Terræ Sanctæ Nobis nuper exponi fecerunt, superioribus annis in aliquibus Italia Civitatibus, & novissime in Oppido Matriti Toletanæ Diocesis evenerit, ut certæ elemosynæ in multorum scutorum millibus consistentes, per pias personas erogate locis Terræ Sanctæ hujusmodi, ob decoctionem, aut aliis culpa Syndici Apostolici, qui elemosynis hujusmodi indifferenter in suos peculiares usus, & interesse utebatur, amissæ fuerint, proptereaque cupiant ipsi Exponentes per Nos statui, præcipique Commissariis, & Syndicis pro tempore locorum dictæ Terræ Sanctæ, ut unam arcam in domo propria cujuslibet Syndici conservandam cum duabus diversis clavibus confici faciant, quarum unam Commissarius, aliam clavem præfatus Syndicus penes se respective teneant, & in qua arca omnes, & singule elemosynæ locis ejusdem Terræ Sanctæ erogandæ, intactæ conserventur, ipsaque arca nusquam referetur præterquam occasione elemosynarum hujusmodi ad ea-

Quod arca
elemosynarum
in locis Terræ
Sanctæ binis
clavibus apertatur, tenentis a duobus
diversis Commissariis.

dem loca Terræ Sanctæ præfate transmittendarum.

§.1. Idcirco Nos conservationi elemosynarum hujusmodi, quantum cum Domino possumus, benigne consulere, eisdemque exponentes specialibus favoribus, & gratis profecti volentes, & eorum singulares personas a quibusvis excommunicationis, suspensionis, & interdictionis, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodata existant, ad effectum præsentium dumtaxat consequendum harum serie absolventes, & absolutas fore censentes, supplicationibus illorum nomine Nobis super hoc humiliter porrectis inclinatis, de Venerabilium Fratrum nostrorum Sanctæ Romanæ Ecclesiæ Cardinalium negotio Propaganda Fidei præpositorum, consilio, Commissariis Terræ Sanctæ, ut ipsi tuto conscientia unam ex dictis duabus clavibus penes se retinere libere, & licite possint, & valeant, Apostolica auctoritate, tenore præsentium concedimus, & indulgemus; Sicque, & non aliter in præmissis per quoscumque Judices ordinarios, & delegatos, etiam causarum Palatii Apostolici Auditores, judicari, & definiri debere, ac irritum, & inane, si secus super his a quoquam quavis auctoritate scienter, vel ignoranter contigerit attentari decernimus, salva semper auctoritate Congregationis eorumdem Cardinalium.

Concessio petitionis.

Decretum irritans.

§.2. Non obstantibus Constitutionibus, & Ordinationibus Apostolicis, cæterisque contrariis quibuscumque.

Derogatio contrariis.

§.3. Volumus autem, ut præsentium transumptis, etiam impressis, manu alicujus Notarii publici subscriptis, & sigillo alicujus personæ in dignitate Ecclesiastica constitutæ munitis eadem prorsus fides in judicio, & extra adhibeatur, quæ præsentibus ipsis adhiberetur, si forent exhibitæ, vel ostensæ.

Fides adhibenda hujusmodi decreto.

Datum Romæ apud Sanctam Mariam Majorem sub Annulo Piscatoris, die vigesima tertia Septembris 1645. Pontificatus nostri Anno I.

Dat. die 23.
Septem. 1645.
An. I.

XLI.

Prohibitio extrahendi, seu commodandi Pignora in Monte Pauperum Nominis Dei Civitatis Neapolitanæ.

Ex Reg. in Secret. Breve.

Similis pro Banco Domus Annunciationis B. Virginis ejusdem Civitatis.

INNOCENTIUS PAPA X.
Ad futuram rei memoriam.

§.1. Conservationi, & manutentioni pignorum cujuscumque qualitatis, & speciei in Monte Pauperum Nominis Dei nuncupato Civitatis Neapolitanæ tam cum interesse, quam sine interesse ad præsens depositorum, & in futurum deponendorum, quantum cum Domino possumus

Exordium.

mus, benigne consulere volentes, supplicationibus dilectorum filiorum Gubernatorum, & Protectorum ipsius Montis nomine Nobis super hoc humiliter porrectis inclinatis, ne de cætero, quisquam quavis auctoritate, & potestate fungens, pignora in dicto Monte ad præsens deposita, & in futurum, ut supra, deponenda, a dicto Monte extrahere, seu quibusvis personis, vel Locis Pii commodare, sive ut extrahantur, seu commodentur permittere quovis prætextu, & ex quacumque causa, ratione, vel occasione audeat, seu præsumat sub excommunicationis, ac restitutionis faciendæ de suo proprio in eventum amissionis alius cuius rei commodatæ, per contrafaciente eo ipso incurrendis poenis, Apostolica auctoritate, tenore præsentium interdiciamus, & prohibemus.

Derogatio contrariorum

Copia hujus decreti in loco visibili collocanda.

Dat. die 26.
Sept. 1645.
An. I.

§.2. Non obstantibus Constitutionibus, & Ordinationibus Apostolicis, cæterisque contrariis quibuscumque.

§.3. Volumus autem, quod præsentis prohibitionis copia in valvis domus dicti Montis, seu alio perspicuo loco, ubi ab omnibus cerni possit continuo affixa remaneat.

Datum Romæ apud Sanctam Mariam Majorem sub Annulo Piscatoris die vigesima sexta Septembris 1645. Pontificatus nostri Anno I. (a)

XLI.

Facultas Cappellanis Majoribus Regis Hispaniarum exercendi quamcumque Jurisdictionem Ecclesiasticam.

Ex Reg. in Secret. Breve.

Charissimo in Christo filio nostro Philippo Hispaniarum Regi Catholico.

INNOCENTIUS PAPA X.
Charissime in Christo fili noster salutem, & apostolicam benedictionem.

Procurium.

CUM sicut Majestatis Tuæ nomine Nobis nuper expositum fuit in tuis nunc, & pro tempore existentibus Hispaniarum Regnis multa sæpe contingere possunt, in quibus pro salubri directione, & animarum salute eorum, qui in Castris degunt, & versantur, proque cognoscen., & deciden. inter eos causis, & controversiis ad forum Ecclesiæ pertinentibus opera, & industria unius, seu plurium personarum Ecclesiasticarum opus sit; propterea, quod non facile ad locorum Ordinarios, aut ad Nos, & Sedem Apostolicam recursus haberi potest: Idcirco Nos ejusdem Majestatis tuæ supplicationibus Nobis desuper humiliter porrectis inclinatis, Cappellanis majoribus exercituum hujusmodi a Majestate tua pro tempore deputatis, facultatem ad Nostrum, & Sedis Apostolicæ beneplacitum tribuimus, quoad bella præsentia in dictis Regnis duraverint, per se, vel alium, seu alios Sacerdotes probos, & idoneos

Cappellanus majoribus exercituum hujusmodi a Majestate tua pro tempore deputatis, facultatem ad Nostrum, & Sedis Apostolicæ beneplacitum tribuimus, quoad bella præsentia in dictis Regnis duraverint, per se, vel alium, seu alios Sacerdotes probos, & idoneos

(a) Aliud simile sub eadem data pro Banco Domus Annunciationis Beatæ Mariæ ejusdem Civitatis.
Bull. Rom. Tom. VI. Par. III.

neos, ac prævio, diligenti examine approbatos ab eis respective subdelegandos, omnem, & quamcumque Jurisdictionem Ecclesiasticam in eos, qui ibi pro Sacramentis Ecclesiasticis Militibus ministrandis pro tempore erunt, qui tamen in propria Diocesi, sub qua illorum Ordinarii Jurisdictionem suam ordinariam in eos exercere possent, non sint, sive clerici, etiam Presbyteri seculares, seu quorumvis etiam Mendicantium Ordinum Regulares fuerint exercendi perinde, ac si quoad clericos seculares eorum veri Præsules, & Pastores, quoad Regulares vero illorum Superiores Generales essent, omnesque causas Ecclesiasticas, prophanas, civiles, criminales, mixtas, inter, seu contra prædictas, aut quascumque alias personas in dictis exercitiis commorantes, ad forum Ecclesiasticum quomodolibet pertinentes, etiam summarie, simpliciter, & de plano, sine strepitu, & figura judicii, sola veritate inspecta, audiendi, & sine debito terminandi, contra inobedientes quolibet censuras, & poenas Ecclesiasticas, etiam sæpius aggravan., auxiliumque brachii secularis invocan.

Et contra inobedientes possint poenas ecclesiasticas infligere.

§.2. Præterea eisdem Cappellanis, ac Presbyteris idoneis ab eorum Ordinariis approbandis, confessiones quorumcumque dictorum exercituum, & illorum utriusque sexus personarum audiendi, illasque a quibusvis excessibus, & delictis quantumcumque gravibus, & enormibus, ac etiam in casibus Nobis, & dictæ Sedi specialiter reservatis, & ex contentis in Literis in die Coenæ Domini legi solitis hæresis, læsæ Majestatis, conspirationis in personam, vel statum Rom. Pontificis, delationis armorum, & aliorum prohibitorum ad partes infidelium, falsificationis literarum, ac supplicationum Apostolicarum, iniectionis manuum violentarum in Clericos, seu Prælatos Ecclesiæ, clausuræ Monasteriorum sanctimonialium, ac jurisdictionis, seu libertatis Ecclesiasticæ, violationis exceptis, necnon a quibusvis censuris, & poenis Ecclesiasticis, propter præmissa per eos quomodolibet incurris, si id humiliter petierint, in reservatis videlicet semel in vita, & in mortis articulo; in aliis vero casibus dictæ Sedi non reservatis, quoties opportunum fuerit, injuncta inde eis pro modo culpæ poenitentia salutari, in foro conscientie tantum absolvendi, ita tamen, ut in casibus, in quibus satisfactio foret necessaria, ea per se ipsos, vel eis impeditis, per hæreses, aut alios fieri debeat, necnon Ecclesias, & Cappellas, ac Cœmeteria, & Oratoria quomodolibet polluta in illis partibus, in quibus ipsi exercitus confederint, & per quoscumque idoneos ad id specialiter deputandos Sacerdotes in dignitate ecclesiastica constitutos, a qua tamen prius per aliquem Catholicum Antifitem, ut moris est, benedicta reconciliandi, cæteraque faciendi, & exequendi in præmissis necessaria, & quomodolibet opportuna.

Conceditur eisdem facultas audiendi confessiones exercituum, absolvendi a quocumque enormi peccato licet reservato S. Sedi.